



БОСНА И ХЕРЦЕГОВИНА
Брчко дистрикт Босне и Херцеговине
ФОНД ЗДРАВСТВЕНОГ ОСИГУРАЊА

BOSNA I HERCEGOVINA
Brčko distrikt Bosne i Hercegovine
FOND ZDRAVSTVENOG OSIGURANJA

Бука С. Караџића 4, 76100 Брчко дистрикт БиХ, тел. +387 49 211 102; 216 344, факс 215 116, ИБ 4600222830003:
Vuka S. Karadžića 4, 76100 Brčko distrikt BiH, tel. +387 49 211 102; 216 344, faks 215 116, IB 4600222830003:

web: www.fzobrcko.ba, E-mail: fzobrcko1@teol.net,

Broj: 015-180/7-UO-26/26

Brčko, 26.02.2026. godine

Upravni odbor Fonda zdravstvenog osiguranja Brčko distrikta BiH, na osnovu člana 16 stav (1) Odluke o osnivanju Fonda zdravstvenog osiguranja Brčko distrikta BiH („Službeni glasnik Brčko distrikta BiH“ broj 1/07, 8/07, 7/11, 45/14, 20/16, 7/18, 11/20, 6/21 i 3/23) i člana 13 stav (1) Statuta Fonda zdravstvenog osiguranja Brčko distrikta BiH („Službeni glasnik Brčko distrikta BiH“, broj: 17/07, 1/08, 3/15, 7/15, 41/16, 42/17, 50/18 i 23/20 na 9. vanrednoj sjednici održanoj 26.02.2026. godine, donosi

O D L U K U

O UTVRĐIVANJU USLOVA I KRITERIJUMA ZA FINANSIRANJE NABAVKE „CPAP“ UREĐAJA

Član 1

Ovom Odlukom utvrđuju se način, uslovi, kriterijumi i obim finansiranja nabavke uređaja za kontinuirani pozitivni pritisak u disajnim putevima, skraćeno engl. „CPAP“, (u daljem tekstu „CPAP“ uređaj) osiguranim licima Fonda zdravstvenog osiguranja Brčko distrikta BiH, na teret sredstava Fonda zdravstvenog osiguranja Brčko distrikta BiH (u daljem tekstu: Fond).

Član 2

(1) Nemedicinski kriterijumi neophodni za odobravanje sredstava za nabavku „CPAP“ uređaja su da je podnosilac zahtjeva osigurano lice Fonda, da je prijedlog za nabavku i finansiranje „CPAP“ uređaja izdat od strane nadležnog doktora specijaliste i na način utvrđen ovom odlukom.

(2) Medicinski kriterijumi, odnosno indikacije za odobravanje nabavke „CPAP“ uređaja su jedan od:

- a) AHI indeks, (skraćeno od engl. „Apnea-Hypopnea Indeks) za odrasle 30 i više (teška apneja u spavanju) – dokazuje se nalazom polisomnografije, odnosno „PSG“ nalazom izdatim od strane referentnog kliničnog centra/instituta za plućne bolesti,
- b) AHI indeks za djecu do 18 godina – 10 i više (teška apneja u spavanju) koji se dokazuje nalazom polisomnografije, odnosno „PSG“ nalazom izdatim od strane referentnog kliničnog centra,
- c) OSA, opstruktivna „sleep apnea“ -malacija disajnih puteva,
- d) Kifoskolioza (bolest skeleta),
- e) Torakoplastika „Pieere-Robbin-ov“ sindrom,
- f) Neuromuskularne bolesti - Dišenova mišićna distrofija ili
- g) Hronična opstruktivna bolest pluća koja podrazumijeva da je osigurano lice na oksigenoterapiji u kućnim uslovima, sa porastom parcijalnog pritiska ugljen dioksida, postojanje hiperkapnijske respiratorne insuficijencije - $\text{PaCO}_2 > 55 \text{ mmHG}$ i da hiperkapnijska respiratorna insuficijencija perzistira četiri nedjelje nakon hospitalizacije;

(3) Prijedlog za nabavku CPAP uređaja na način utvrđen ovom odlukom, može izdati nadležni ljekar specijalista iz JZU „Zdravstveni centar Brčko“ na osnovu nalaza i mišljenja subspecijaliste pulmologa, subspecijaliste pedijatra pulmologa, specijaliste pneumoftizologa, specijalista neurologije, ili pedijatra neurologa, kao i nalaz, mišljenja i preporuke referentnih kliničkih centara i instituta za plućne bolesti.

(4) Kontrolu pravilnog korišćenja aparata vrši zdravstvena ustanova u kojoj se osigurano lice liječi.

Član 3

- (1) Fond snosi troškove nabavke CPAP aparata za osigurana lica Fonda za do dvanaest (12) osiguranih lica na godišnjem nivou do iznosa od 2.200,00 KM po CPAP uređaju, odnosno po osiguranom licu.
- (2) Odluku o odobravanju finansiranja CPAP uređaja donosi Prvostepena komisija Fonda za utvrđivanje prava na zdravstvenu zaštitu, na prijedlog nadležnog doktora, u skladu sa opštim aktima Fonda i ovom Odlukom.

Član 4

(Stupanje na snagu i primjena)

Ova Odluka stupa na snagu danom donošenja.

Dostaviti:

- Direktor
- Zamjenici direktora
- Šefovi Službi
- JZU „Zdravstveni centar Brčko distrikt“
- Prvostepena komisija Fonda za utvrđivanje prava na zdravstvenu zaštitu
- Interni kontrolor
- Evidencija
- web stranica
- a/a

**PREDSJEDNIK
UPRAVNOG ODBORA**

Ilija Anić, dipl.ekonomist, s.r.